

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1347

原始資料: 蕭鎮國大德提供, 北美某大德提供

No. 1347 [No. 1346]

息除中天陀羅尼經

西天北印度烏填曩國帝釋宮寺三藏傳法大師賜紫沙門臣施護奉 詔譯

如是我聞。一時佛在菟伽河邊。與大眾俱及於護世四大天王多聞天王最為上首。

爾時世尊告四王言。有大怖畏深可厭患。汝等應知若男若女童男童女若人若天。我觀中天生大怖畏。恒時擾惱各不相救。乃至老死甚大怖畏。而無窮盡。吾今為汝說救護法。即時會中四大天王。而白佛言世尊。我等今日於世尊前。聞此說已踴躍歡喜。以身命財奉於如來。願佛哀愍為我演說。

爾時世尊一彈指間。面東而住說如是言南無十方。一切如來無上正等正覺。廣大慈悲憐愍有情。彼皆證得阿耨多羅三藐三菩提。惟願慈悲同共觀察。著我有情與力加護。息除中天敷演解說。如是東西南北乃至上下。一切如來唱如是言。南無一切如來無上正等正覺。不捨慈悲而為眾生。證得阿耨多羅三藐三菩提。惟願慈悲同共觀察著我有情敷演解說。

爾時諸佛同共證明。我今宣說救護怖畏息除難法。如是乃至第二法輪演說之時。此會眾中皆獲壽命色相具足。悉得離於生死怖畏而無中天。乃至老病亦復如是。

爾時十方一切諸佛。照見一一世界如來形像。如胡麻量遍滿一切。又彼十方一一如來。同共發聲乃說呪曰。

怛儻也(二合)他(去引一)左禮左攞(引)左禮(二)尾[寧*頁]跏(傑固反)娑嚩(二合)悉底(二合)計(三)作訖[口*闌](二合引)囉(引)爾曩(四)鉢囉(二合)捨滿靚(五)薩嚩臬誡(引入六)阿曩矩曩注(准上切七)左[口*(隸-木+士)]左[口*(隸-木+士)](八)計麼[寧*頁]設焰(二合九)儻麼儻設也(二合十)儻呬麼詩悉(十一)嬌(居天反引)囉尾曳(二合十二)呬矩囉[口*(隸-木+士)](十三)矩麼底(十四)尾灑麼(引)拈麼拈(十五)尸數醯嚩(十六)阿左禮尾左禮(十七)麼(引)尾覽嚩(十八)母護母(轉舌)護(十九)娑嚩(二合引)賀(二十)

爾時十方一切如來。說此祕密神呪已作如是言。一切如來無上正等正覺皆同此說。

爾時北方多聞天王而白佛言世尊。我今聞彼十方如來威神之力加持擁護。而無中天息除怖畏。面於佛前而說呪曰。

怛儻也(二合一)他(去引)濕吠(二合去)帝(二)濕吠(二合去)帝(三)里里里里(四)

爾時東方持國天王。即於佛前乃說呪曰。

拶哩拶哩娑嚩(二合引)賀(引)

爾時南方增長天王。在於佛前即說呪曰。

嚩(去引)梨嚩嚩嚩嚩

爾時西方廣目天王。侍立佛前亦說呪曰。

麼(去引)鄧擬儻蘇麼(引)蘇母蘇母

爾時世尊告四天王言。今此神呪是一切佛證明觀察。若有族姓男女等輩。晝夜受持志誠憶念。必獲長命而無中夭。命終之後不墮惡趣。若復有人利益有情。發誠諦心受持讀誦。臨命終時無諸怖畏。亦無變怪及諸惡相。於現在世又無白癩顛狂諸病。及離水火刀兵疾疫蟲藥等毒。乃至雷雹一切諸難皆悉遠離。若是經典所在之處。十方諸佛及眾菩薩悉皆來集。擁護是經令無障難。若復有人於此經典。書寫莊嚴護淨轉讀。如造佛像種種嚴飾。所獲功德而無有異。若復有人供養諸佛精心離慢。獲吉祥福息除災難。若有受持書寫此經恒離懈怠。所獲功德亦復如是。一切聖賢常恒擁護離諸災患。爾時世尊說是經已。四大天王龍神八部阿蘇囉等。及諸人天一切大眾。聞法歡喜信受奉行。

息除中天陀羅尼經